

22 NOV 1999

BEKAS ANGGOTA TENTERA IKRAR SOKONG DR MAHATHIR

PUTRAJAYA, 22 Nov (Bernama) -- Persatuan Bekas Tentera Malaysia (PBTM) berikrar akan memberikan sokongan penuh kepada kepimpinan Perdana Menteri Datuk seri Dr Mahathir Mohamad untuk terus menerajui negara.

Ikrar itu dilafazkan kira-kira 200 anggota yang mewakili persatuan itu sempena pertemuan mereka dengan Dr Mahathir di Jabatan Perdana Menteri di sini hari ini. PBTM kini mempunyai 200,000 anggota di seluruh negara.

Setiausaha PBTM Datuk Yasin Noor mengetuai lafaz bacaan ikrar itu di hadapan Dr Mahathir, dan persatuan itu berharap Barisan Nasional (BN) akan memenangi pilihan raya umum ke-10 pada 29 Nov ini.

Presiden PBTM Datuk Muhammad Ghani berkata anggota-anggota persatuan itu perlu meneruskan usaha mempertahankan negara dengan memastikan BN terus memerintah.

Katanya, PBTM berharap BN akan dapat mencapai kemenangan lebih daripada dua pertiga untuk membentuk sebuah kerajaan yang kukuh.

-- BERNAMA

RZS RI